

ইসলামী বিশ্ববিদ্যালয় আইন ১৯৮০

(১৯৮২, ১৯৯০, ১৯৯৯, ২০০৬, ২০০৭, ২০০৯ ও ২০১০ সালের সর্বশেষ সংশোধনসহ
ইসলামী বিশ্ববিদ্যালয় আইন ১৯৮০ সনের ৩৭ নং আইন)

১৯৮০ সনের ৩৭ নং আইন

মানসম্মত শিক্ষাদানের উদ্দেশ্যে একটি আবাসিক ইসলামী বিশ্ববিদ্যালয় স্থাপনকল্পে প্রণীত আইন^১

যেহেতু মানসম্মত শিক্ষাদান এবং ফাজিল ও কামিল মাদরাসাসমূহের অধিভুক্তকারী কর্তৃপক্ষ হিসাবে দায়িত্ব পালনের উদ্দেশ্যে একটি আবাসিক ইসলামী বিশ্ববিদ্যালয় স্থাপন ও তৎসংক্রান্ত বিষয়াদি সম্পর্কে বিধান করা সমীচীন ও প্রয়োজনীয়^২;

সেহেতু এতক্রমে নিম্নরূপ আইন করা হইল :-

- ১। সংক্ষিপ্ত শিরোনাম ও প্রবর্তন : (১) এই আইন ইসলামী বিশ্ববিদ্যালয় (সংশোধন) আইন, ২০১০ নামে অভিহিত হইবে^৩।
 - (২) এই আইন অবিলম্বে কার্যকর হইবে^৪।
- ২। সংজ্ঞাঃ বিষয় বা প্রসঙ্গের পরিপন্থী কিছু না থাকিলে এই আইনে,-
 - (ক) “একাডেমিক কাউন্সিল” বলিতে বিশ্ববিদ্যালয়ের একাডেমিক কাউন্সিল বুঝাইবে ;
 - (কক) “মাদরাসা সংক্রান্ত একাডেমিক কমিটি” বলিতে ২২ক ধারায় বর্ণিত মাদরাসা সংক্রান্ত একাডেমিক কমিটি বুঝাইবে^৫;
 - (খ) “কর্তৃপক্ষ” বলিতে ১৮ ধারায় বর্ণিত বিশ্ববিদ্যালয়ের কর্তৃপক্ষ বুঝাইবে ;
 - (গ) “কমিশন” বলিতে ১৯৭৩ সালের বাংলাদেশ বিশ্ববিদ্যালয় মঞ্জুরী কমিশন আদেশ দ্বারা গঠিত বাংলাদেশ বিশ্ববিদ্যালয় মঞ্জুরী কমিশন বুঝাইবে ;
 - (গগ) “কারিকুলাম কমিটি” বলিতে ২৫ক ধারায় বর্ণিত কারিকুলাম কমিটি বুঝাইবে^৬;
 - (ঘ) “ডীন” বলিতে একটি ফ্যাকাল্টির একাডেমিক প্রধান বুঝাইবে;
 - (ঙ) “নির্ধারিত” বলিতে সংবিধি, অধ্যাদেশ বা প্রবিধান দ্বারা নির্ধারিত বুঝাইবে ;
 - (চ) “বিশ্ববিদ্যালয়” অর্থ ৩ ধারার অধীন প্রতিষ্ঠিত ইসলামী বিশ্ববিদ্যালয় ;
 - (ছ) “শিক্ষক” বলিতে বিশ্ববিদ্যালয়ের অধ্যাপক, সহযোগী অধ্যাপক, সহকারী অধ্যাপক বা প্রভাষক বুঝাইবে এবং বিশ্ববিদ্যালয় কর্তৃক শিক্ষক বলিয়া ঘোষিত অন্য যে কোন ব্যক্তি ইহার অন্তর্ভুক্ত ;

^১ সংশোধনঃ- বাংলাদেশ গেজেট, অতিরিক্ত, নভেম্বর - ২, ১৯৮২ ও জুলাই-১৪, ২০০৯ ও মার্চ-৩১-২০১০

^২ সংশোধনঃ- বাংলাদেশ গেজেট, অতিরিক্ত, নভেম্বর - ২, ১৯৮২ ও মার্চ-৩১-২০১০

^৩ সংশোধনঃ- বাংলাদেশ গেজেট, অতিরিক্ত, জুলাই- ১৪, ২০০৯

^৪ সংশোধনঃ- বাংলাদেশ গেজেট, অতিরিক্ত, অক্টোবর- ১১, ২০০৬ ও জুলাই-১৪, ২০০৯

^৫ সংশোধনঃ- বাংলাদেশ গেজেট, অতিরিক্ত, মার্চ-৩১-২০১০

^৬ সংশোধনঃ- বাংলাদেশ গেজেট, অতিরিক্ত, মার্চ-৩১-২০১০

এস. এম. হুসেইন লুভিক
২২/৩/১০
ইসলামী বিশ্ববিদ্যালয়
কুষ্টিয়া।

- (জ) “সংবিধি”, “অধ্যাদেশ” ও “প্রবিধান” বলিতে এই আইনের অধীন প্রণীত সংবিধি, অধ্যাদেশ ও প্রবিধান বুঝাইবে ;
- (ঝ) “সিডিকেট” বলিতে বিশ্ববিদ্যালয়ের সিডিকেট বুঝাইবে;
- (ঞ) “ছাত্রাবাস” বলিতে, যে নামেই অভিহিত হউক না কেন, বিশ্ববিদ্যালয়ের ছাত্রদের জন্য এমন একটি আবাসিক একাংশ বুঝাইবে, বিশ্ববিদ্যালয় যে একাংশের ব্যবস্থা ও রক্ষণাবেক্ষণ করিবেন, ছাত্রদের বিধিসংগত শিক্ষাবিহিত কার্যাবলীর উৎকর্ষসাধনের জন্য ।

৩। বিশ্ববিদ্যালয় :

- (১) এই আইনের বিধান অনুযায়ী একটি বিশ্ববিদ্যালয় স্থাপিত হইবে, যাহা ইসলামী বিশ্ববিদ্যালয় নামে অভিহিত হইবে ।
- “১ক) সরকার, সরকারি গেজেটে প্রজ্ঞাপন দ্বারা, যে স্থান নির্ধারণ করিবে সে স্থানে বিশ্ববিদ্যালয় স্থাপিত হইবে ।”^১
- (২) প্রথম চ্যাপেলর ও প্রথম ভাইস-চ্যাপেলর এবং সিডিকেট ও একাডেমিক কাউন্সিলের প্রথম সদস্যবর্গ এবং ইহার পর যে সকল ব্যক্তি অনুরূপ অফিসার বা সদস্য হইবেন, তাঁহারা যতদিন অনুরূপ পদে অধিষ্ঠিত থাকিবেন কিংবা সদস্য থাকিবেন, ততদিন তাঁহাদের লইয়া ইসলামী বিশ্ববিদ্যালয় নামে একটি সংবিধিবদ্ধ সংস্থা গঠিত হইবে ।
- (৩) বিশ্ববিদ্যালয়ের স্থায়ী ধারাবাহিকতা ও একটি সাধারণ সীলমোহর থাকিবে এবং উক্ত নামে বিশ্ববিদ্যালয়ের পক্ষে বা বিপক্ষে মামলা দায়ের করা যাইবে ।
- (৪) সরকার সরকারি গেজেটে বিজ্ঞপ্তি দ্বারা যেমন নির্ধারণ করিবেন, সেইরূপ এলাকা লইয়া বিশ্ববিদ্যালয়ের ক্যাম্পাস গঠিত হইবে ।

৪। **এখতিয়ার :** (১) বিশ্ববিদ্যালয় শিক্ষাদান ও আবাসিক বিশ্ববিদ্যালয়রূপে ফাজিল ও কামিল মাদ্রাসাসমূহের অধিভুক্তকরণ কর্তৃপক্ষ হিসাবে গণ্য হইবে^২ ।

(২) বিশ্ববিদ্যালয় এই আইন দ্বারা বা আইনের অধীন প্রদত্ত ক্ষমতা প্রয়োগ করিবে^৩ ।

৫। **বিশ্ববিদ্যালয়ের ক্ষমতা ও কার্যাবলী :** এই আইন ও ১৯৭৩ সালের বিশ্ববিদ্যালয় মঞ্জুরী কমিশন আদেশের বিধানাবলী- সাপেক্ষে এবং যেরূপ নির্ধারিত হইবে, সেইরূপ শর্তাবলী- সাপেক্ষে, বিশ্ববিদ্যালয়ের নিম্নরূপ ক্ষমতা ও কার্যাবলী থাকিবে :-

“(ক) ধর্মতত্ত্ব ও ইসলামী শিক্ষার অন্যান্য শিক্ষণ-শাখাসমূহ এবং তুলনামূলক আইনবিজ্ঞান ও অনুরূপ অন্যান্য শিক্ষণ-শাখাসমূহে স্নাতক ও স্নাতকোত্তর পর্যায়ে শিক্ষা-চর্চার উদ্দেশ্যে বিশ্ববিদ্যালয় যেরূপ উপযুক্ত মনে করিবে সেরূপ ব্যবস্থা গ্রহণ এবং গবেষণা ও উচ্চতর-গবেষণার ব্যবস্থা গ্রহণসহ জ্ঞানের অগ্রসরতা ও বিকিরণের জন্য প্রশিক্ষণের ব্যবস্থা গ্রহণ;”^৪

(খ) শিক্ষাক্রম নির্ধারণ;

^১ সংশোধনঃ- বাংলাদেশ গেজেট, অতিরিক্ত, ডিসেম্বর- ১৩, ২০০৭

^২ সংশোধনঃ- বাংলাদেশ গেজেট, অতিরিক্ত, মার্চ-৩১, ২০১০

^৩ সংশোধনঃ- বাংলাদেশ গেজেট, অতিরিক্ত, অক্টোবর-১১, ২০০৬, ডিসেম্বর- ১৩, ২০০৭ ও মার্চ-৩১, ২০১০

^৪ সংশোধনঃ- বাংলাদেশ গেজেট, অতিরিক্ত, ডিসেম্বর- ১৩, ২০০৭ ও মার্চ-৩১, ২০১০

- (গ) পরীক্ষা গ্রহণ এবং সেই সকল ব্যক্তিকে সার্টিফিকেট, ডিপ্লোমা, ডিগ্রী ও অন্যান্য একাডেমিক সম্মান মঞ্জুর ও প্রদান করা, যে সকল ব্যক্তি-
- (কক) বিশ্ববিদ্যালয় কর্তৃক বা বিশ্ববিদ্যালয়ের জন্য প্রদত্ত নির্ধারিত শিক্ষাক্রম অনুসরণ করিয়াছেন, অথবা
- (খখ) সংবিধিতে বিধৃত শর্তাবলীর অধীন গবেষণা বা ব্যক্তিগত অধ্যয়ন পরিচালনা করিয়াছেন ;
- (ঘ) সংবিধিতে বিধৃত আকারে সম্মানসূচক ডিগ্রী বা অন্যান্য সম্মান প্রদান ;
- (ঙ) বিশ্ববিদ্যালয় যে সকল ব্যক্তিকে স্থির করিয়া দিবেন, সেই সকল ব্যক্তির জন্য বক্তৃতা ও শিক্ষা প্রদানের ব্যবস্থা করা এবং সংবিধিতে বিধৃত শর্তাবলীর অধীন তাঁহাদিগকে ডিপ্লোমা বা সার্টিফিকেট মঞ্জুর করা;
- (চ) বিশ্ববিদ্যালয় যে প্রকারে এবং যে উদ্দেশ্যে নির্ধারণ করিয়া দিবেন, সেই প্রকারে এবং সেই-উদ্দেশ্যে অন্যান্য বিশ্ববিদ্যালয় ও কর্তৃপক্ষের সহিত সহযোগিতা করা;
- (ছ) অধ্যাপক, সহযোগী অধ্যাপক, প্রভাষক এবং বিশ্ববিদ্যালয় কর্তৃক প্রয়োজনীয় অন্য যে কোন শিক্ষকের পদ প্রবর্তন এবং সংবিধি অনুযায়ী সেইগুলিতে লোক নিয়োগ করা;
- (জ) নির্ধারিত শর্তাবলী অনুযায়ী ফেলোশীপ, স্কলারশীপ, পুরস্কার ও মেডেল প্রবর্তন ও বিতরণ ;
- (ঝ) অধ্যাদেশ দ্বারা যেসকল ফিস নির্ধারণ করা হইবে, সেইসকল ফিস দাবী ও আদায় করা ;
- (ঞ) শিক্ষাদান ও গবেষণার উন্নয়নের জন্য একাডেমিক যাদুঘর, পরীক্ষাগার বিদ্যালয় ও প্রতিষ্ঠান স্থাপন ও সেইগুলি রক্ষণাবেক্ষণ করা এবং প্রদর্শনীর ব্যবস্থা করা;
- (ট) ছাত্রাবাসসমূহ স্থাপন ও রক্ষণাবেক্ষণ;
- (ঠ) বিশ্ববিদ্যালয়ের ছাত্রদের আবাস ও শৃঙ্খলা তত্ত্বাবধান ও নিয়ন্ত্রণ, তাঁহাদের পাঠ্যক্রমবহির্ভূত কার্যাবলীর উন্নতিবর্ধন এবং তাঁহাদের স্বাস্থ্য ও নৈতিক চরিত্রের উৎকর্ষসাধনের জন্য ব্যবস্থা গ্রহণ;
- (ড) ইহার কার্যাবলী সম্পাদনে অথবা এই আইনের উদ্দেশ্য পালনে অন্যান্য যে সকল কাজ প্রয়োজন, প্রাসঙ্গিক বা সহায়ক হইবে, সেই সকল কাজ করা ।

৬। বিশ্ববিদ্যালয়ের শিক্ষাদান :

- (১) বিশ্ববিদ্যালয়ের শিক্ষাক্রমের সঙ্গে সম্পর্কিত সকল অনুমোদিত শিক্ষাদান বিশ্ববিদ্যালয় কর্তৃক পরিচালিত হইবে এবং অধ্যাদেশ দ্বারা নির্ধারিত পদ্ধতিতে বিশ্ববিদ্যালয়ের শিক্ষকগণ কর্তৃক পরিচালিত বক্তৃতা, পরীক্ষাগারে বা ওয়ার্কশপে অনুষ্ঠিত অনুপাঠ ও অন্যান্য শিক্ষাদান ইহার অন্তর্ভুক্ত হইবে ।
- (২) এইরূপ শিক্ষাদানের ব্যবস্থা গ্রহণের দায়িত্ব কোন কর্তৃপক্ষের উপর থাকিবে, তাহা সংবিধিতে নির্ধারিত থাকিবে ।
- (৩) শিক্ষাক্রম ও পাঠ্যসূচী অধ্যাদেশ ও প্রবিধান দ্বারা নির্ধারিত হইবে ।

৭। ডিজিটর : বিলুপ্ত (উসরঃঃবফ) ^{২২} ।

৮। চ্যাপেলর :

^{২২} সংশোধনঃ- বাংলাদেশ গেজেট, অতিরিক্ত, নভেম্বর - ২, ১৯৮২, ডিসেম্বর-১৩, ২০০৭ ও মার্চ ৩১, ২০১০

- (১) গণপ্রজাতন্ত্রী বাংলাদেশের মহামান্য রাষ্ট্রপতি^{১২} বিশ্ববিদ্যালয়ের চ্যাম্পেলর থাকিবেন এবং উপস্থিত থাকিলে বিশ্ববিদ্যালয়ের সমাবর্তন অনুষ্ঠানসমূহে একাডেমিক ও সম্মানসূচক ডিগ্রী প্রদানের জন্য সভাপতিত্ব করিবেন।
- (২) এই আইন বা সংবিধি জারী চ্যাম্পেলরকে যেইমতো ক্ষমতা প্রদান করা হইবে, তিনি সেইমতো ক্ষমতার অধিকারী থাকিবেন।
- (৩) কোন সম্মানসূচক ডিগ্রী প্রদানের প্রতিটি প্রস্তাবের ক্ষেত্রে চ্যাম্পেলরের অনুমোদন লইতে হইবে।

৯। বিশ্ববিদ্যালয়ের অফিসারগণ : বিশ্ববিদ্যালয়ের নিম্নরূপ অফিসারগণ থাকিবেন :-

- (ক) ভাইস-চ্যাম্পেলর,
- (কক) প্রো-ভাইস-চ্যাম্পেলর^{১৩},
- (খ) কোষাধ্যক্ষ,
- (গ) রেজিস্ট্রার,
- (ঘ) ডীন,
- (ঙ) কন্ট্রোলার অব একজামিনেশনস্,
- (গ) সংবিধি জারী বিশ্ববিদ্যালয়ের অফিসার হিসাবে ঘোষিত অন্য যে কোন অফিসার।

১০। ভাইস-চ্যাম্পেলর : (১) চ্যাম্পেলর যে শর্তাবলী নির্ধারণ করিয়া দিবেন, সেইমতো তিনি চার বৎসরের জন্য ভাইস-চ্যাম্পেলর নিয়োগ করিবেন।

(২) ভাইস-চ্যাম্পেলর কোন সময় অনুপস্থিত থাকিলে অথবা অসুস্থতাবশতঃ বা অন্য কোন কারণে তাঁহার কার্যাবলী সম্পাদনে অসমাপ্ত হইলে, চ্যাম্পেলর ভাইস-চ্যাম্পেলরের কার্যাবলী সম্পাদনের জন্য যেইরূপ উপযুক্ত মনে করিবেন, সেইরূপ ব্যবস্থা গ্রহণ করিবেন।

১১। ভাইস-চ্যাম্পেলরের ক্ষমতা ও কার্যাবলী :

- (১) ভাইস-চ্যাম্পেলর বিশ্ববিদ্যালয়ের পূর্ণকালীন নির্বাহী ও একাডেমিক অফিসার থাকিবেন।
- (২) ভাইস-চ্যাম্পেলর চ্যাম্পেলরের অনুপস্থিতিতে বিশ্ববিদ্যালয়ের সমাবর্তনে সভাপতিত্ব করিবেন এবং বিশ্ববিদ্যালয়ে যে কোন কর্তৃপক্ষ অথবা প্রতিষ্ঠানের কোন সভাতে উপস্থিত থাকিতে এবং কথা বলিতে পারিবেন, তবে সংশ্লিষ্ট কর্তৃপক্ষের বা প্রতিষ্ঠানের সদস্য না হইলে তাহাতে তাহার ভোট প্রদানের অধিকার থাকিবে না।
- (৩) ভাইস-চ্যাম্পেলর এই আইনের বিধানসমূহ, সংবিধি ও অধ্যাদেশসমূহ বিশ্বস্ততার সহিত পরিপালিত হইতেছে কিনা, সে সম্পর্কে নিশ্চয়তা বিধান করিবেন এবং এই উদ্দেশ্যে প্রয়োজনীয় ক্ষমতা প্রয়োগ করিবেন।
- (৪) জরুরী পরিস্থিতির ক্ষেত্রে ভাইস-চ্যাম্পেলর প্রয়োজন মনে করিলে সেই-মতো তাৎক্ষণিক ব্যবস্থা গ্রহণ করিবেন এবং তৎপর সাধারণতঃ যে অফিসার কর্তৃপক্ষ কিংবা অন্য যে প্রতিষ্ঠান বিষয়টি সম্পর্কে কাজ করেন, তাহাকে বা তাহাদিগকে যথাশীঘ্র তিনি যে ব্যবস্থা গ্রহণ করিয়াছেন, তাহার একটি রিপোর্ট প্রদান করিবেন :

^{১২} সংশোধনঃ- বাংলাদেশ গেজেট, অতিরিক্ত, ডিসেম্বর - ১৩, ২০০৭ ও জুলাই- ১৪, ২০০৯

^{১৩} সংশোধনঃ- বাংলাদেশ গেজেট, অতিরিক্ত, এপ্রিল - ১৩, ১৯৯৯

তবে শর্ত থাকে যে, এই উপ-ধারায় ভাইস-চ্যান্সেলরকে এইরূপ কোন ক্ষমতা প্রদান করে না, যাহাতে তিনি নতুন পদ সৃষ্টি করিতে পারেন অথবা অনুমোদিত বার্ষিক বাজেটে প্রদর্শিত অর্থের পরিমাণ অপেক্ষা অধিক পরিমাণ অর্থ ব্যয় করিতে পারেন।

- (৫) ভাইস-চ্যান্সেলর অনধিক ছয় মাসের জন্য কোষাধ্যক্ষ ব্যতীত অফিসার, শিক্ষক ও কর্মচারী নিয়োগ করিতে পারিবেন এবং এইরূপ নিয়োগের বিষয় সিন্ডিকেটের নিকট রিপোর্ট করিতে হইবে :

তবে শর্ত থাকে যে, কর্তৃপক্ষ কর্তৃক পূর্বেই অনুমোদিত নহে, এইরূপ কোন পদে লোক নিয়োগ করা যাইবে না।

- (৬) ভাইস-চ্যান্সেলর সিন্ডিকেটের অনুমোদন লইয়া, তিনি প্রয়োজন বিবেচনা করিলে তাঁহার এইরূপ ক্ষমতা ও কার্যাবলী বিশ্ববিদ্যালয়ের যে সকল অফিসারকে উপযুক্ত মনে করিবেন, সেই সকল অফিসারের নিকট অর্পণ করিতে পারিবেন।
- (৭) ভাইস-চ্যান্সেলর সিন্ডিকেট ও একাডেমিক পরিষদের সভা আহ্বান করিবেন।
- (৮) বিশ্ববিদ্যালয়ের কোন কর্তৃপক্ষ বা প্রতিষ্ঠানের কোন সিদ্ধান্ত-প্রস্তাবের সহিত ভাইস-চ্যান্সেলর একমত না হইলে, তিনি সেই সিদ্ধান্ত-প্রস্তাবের বাস্তবায়ন বন্ধ রাখিতে পারেন এবং রায়ের জন্য চ্যান্সেলরের নিকট তাহা পাঠাইতে পারেন এবং সেই ব্যাপারে চ্যান্সেলরের রায় চূড়ান্ত হইবে।
- (৯) ভাইস-চ্যান্সেলর বিশ্ববিদ্যালয়ের অফিসার ও শিক্ষকগণের নিযুক্তি, কর্মচ্যুতি ও সাময়িক বরখাস্ত এবং তাঁহাদের বিরুদ্ধে অন্যান্য শৃঙ্খলামূলক ব্যবস্থা গ্রহণ সম্পর্কে সিন্ডিকেটের রায়কে কার্যকর করিবেন।
- (১০) ভাইস-চ্যান্সেলর বিশ্ববিদ্যালয়ের অফিসার, শিক্ষক ও কর্মচারীগণের উপর সাধারণ নিয়ন্ত্রণ প্রয়োগ করিবেন।
- (১১) এই আইন, সংবিধি ও অধ্যাদেশ অনুসারে বিশ্ববিদ্যালয়ে শৃঙ্খলা রক্ষা করিবার দায়িত্ব ভাইস-চ্যান্সেলরের উপর থাকিবে।
- (১২) ভাইস-চ্যান্সেলর সংবিধি, অধ্যাদেশ ও প্রবিধান দ্বারা নির্ধারিত আর কোন ক্ষমতা থাকিলে তাহা প্রয়োগ করিবেন।

১১(ক) প্রো-ভাইস-চ্যান্সেলরঃ^{১৪}

- (১) চ্যান্সেলর, তদকর্তৃক নির্ধারিত শর্তে, চার বৎসর মেয়াদে, বিশ্ববিদ্যালয়ের কোন অধ্যাপককে প্রো-ভাইস-চ্যান্সেলর নিয়োগ করিতে পারিবেন।
- (২) উপ-ধারা (১) এ যাহা কিছুই থাকুক না কেন, চ্যান্সেলর, প্রয়োজন মনে করিলে, যে কোন সময় কারণ দর্শানো ব্যতিরেকে, প্রো-ভাইস-চ্যান্সেলর তাঁহার পদ হইতে অব্যাহতি প্রদান করিতে পারিবেন।
- (৩) প্রো-ভাইস-চ্যান্সেলর সংবিধি ও অধ্যাদেশ দ্বারা নির্ধারিত এবং ভাইস-চ্যান্সেলর কর্তৃক প্রদত্ত ক্ষমতা প্রয়োগ ও দায়িত্ব পালন করিবেন”।

^{১৪} সংশোধনঃ- বাংলাদেশ গেজেট, অতিরিক্ত, এপ্রিল - ১৩, ১৯৯৯, ডিসেম্বর-১৩, ২০০৭ ও মার্চ-৩১-২০১০

১২। কোষাধ্যক্ষ :

- (১) চ্যাপেলের তদুর্কর্তৃক নির্ধারিত শর্ত ও মেয়াদে, একজন কোষাধ্যক্ষ নিয়োগ করিতে পারিবেন এবং এইরূপ নিয়োগপ্রাপ্ত কোষাধ্যক্ষ বিশ্ববিদ্যালয়ের একজন পূর্ণকালীন (ডয়ডম্বব ঃরসব) অফিসার হইবেন^{১৭}।
- (২) কোষাধ্যক্ষ অসুস্থতাবশতঃ কিংবা অন্য কোন কারণে অনুপস্থিত থাকিলে অথবা দায়িত্ব পালনে অসমর্থ হইলে, চ্যাপেলের ভাইস-চ্যাপেলরের নিকট হইতে রিপোর্ট পাইবার পর কোষাধ্যক্ষের দায়িত্ব সম্পাদনের জন্য তিনি যেরূপ উপযুক্ত মনে করিবেন, সেইরূপ ব্যবস্থা করিবেন।
- (৩) কোষাধ্যক্ষ বিশ্ববিদ্যালয়ের আর্থিক বিষয়াদির যথাযথ ব্যবস্থাপনার জন্য দায়ী থাকিবেন এবং সমস্ত অর্থ যে সকল উদ্দেশ্যে মঞ্জুর বা বরাদ্দ করা হয়, সেই সকল উদ্দেশ্যে তাহা ব্যয়িত হইয়াছে কিনা তাহার নিশ্চয়তা বিধান করিবেন।
- (৪) কোষাধ্যক্ষ, সিডিকেটের নিয়ন্ত্রণ সাপেক্ষে, বিশ্ববিদ্যালয়ের সম্পত্তি ও বিনিয়োগের ব্যবস্থাপনা পরিচালনা করিবেন।
- (৫) কোষাধ্যক্ষ বার্ষিক বাজেট ও হিসাব-বিবরণী সিডিকেটের সম্মুখে বিবেচনার জন্য পেশ করিবেন।
- (৬) কোষাধ্যক্ষ বিশ্ববিদ্যালয়ের পক্ষে সকল চুক্তিতে স্বাক্ষর করিবেন।
- (৭) কোষাধ্যক্ষ, সংবিধি ও অধ্যাদেশ দ্বারা নির্ধারিত আর কোন ক্ষমতা থাকিলে তাহা প্রয়োগ করিবেন।

১৩। অন্যান্য অফিসার নিয়োগ : বিশ্ববিদ্যালয়ের যে সকল অফিসার নিয়োগের পদ্ধতি এই আইনের কোথায়ও বিশেষভাবে উল্লেখ নাই, সিডিকেট সংবিধিতে নির্ধারিত পদ্ধতিতে সে সকল অফিসার নিয়োগ করিবেন।

১৪। রেজিস্ট্রার : রেজিস্ট্রার সিডিকেট ও অ্যাকাডেমী কাউন্সিলের সচিব হিসাবে কাজ করিবেন এবং সংবিধি অনুযায়ী গ্রাজুয়েটদের একটি নিবন্ধন চালু রাখিবেন এবং তিনি সংবিধি ও অধ্যাদেশ দ্বারা নির্ধারিত আর কোন কার্যাবলী থাকিলে তাহা সম্পাদন করিবেন।

১৫। কন্ট্রোলার অব একজামিনেশনস : কন্ট্রোলার অব একজামিনেশনস পরীক্ষা পরিচালনার সহিত সম্পর্কিত সকল বিষয়ের দায়িত্বে থাকিবেন এবং সংবিধি ও অধ্যাদেশ দ্বারা নির্ধারিত আর কোন কার্যাবলী থাকিলে তাহা সম্পাদন করিবেন।

১৬। হিসাব পরিচালক :

- (১) হিসাব পরিচালক কোষাধ্যক্ষের তত্ত্বাবধানে বিশ্ববিদ্যালয়ের তহবিল পরিচালনার দায়িত্বে নিযুক্ত থাকিবেন এবং সংবিধি ও অধ্যাদেশ দ্বারা আর কোন কার্যাবলী নির্ধারিত থাকিলে এবং ভাইস-চ্যাপেলর তাঁহাকে কোন কাজ দিলে, তিনি তাহা সম্পাদন করিবেন।
- (২) হিসাব পরিচালক অর্থ-কমিটির সচিব থাকিবেন।

১৭। অফিসারদের ক্ষমতা ও কার্যাবলী : বিশ্ববিদ্যালয়ের অন্যান্য অফিসারদের ক্ষমতা ও কার্যাবলী সংবিধি, অধ্যাদেশ ও প্রবিধানে যেরূপ নির্ধারিত থাকিবে, সেইরূপ হইবে।

১৮। বিশ্ববিদ্যালয়ের কর্তৃপক্ষ : বিশ্ববিদ্যালয়ের কর্তৃপক্ষ নিম্নরূপ হইবে :-

- (ক) সিন্ডিকেট ;
- (খ) একাডেমিক কাউন্সিল ;
- (খখ) মাদ্রাসাস সংক্রান্ত একাডেমিক কমিটি^{১৫};
- (গ) ফ্যাকালটিস;
- (ঘ) পাঠক্রমের কমিটিসমূহ ;
- (ঘঘ) কারিকুলাম কমিটি^{১৬};
- (ঙ) বোর্ডস অব এ্যাডভান্সড স্টাডিজ;
- (চ) অর্থ-কমিটি;
- (ছ) পরিকল্পনা ও উন্নয়ন কমিটি ;
- (জ) নির্বাচনী বোর্ড ;
- (ঝ) সংবিধি কর্তৃক বিশ্ববিদ্যালয়ের কর্তৃপক্ষ বলিয়া ঘোষিত অন্য যে কোন কর্তৃপক্ষ ।

১৯। সিন্ডিকেট :^{১৭} (১) নিম্নলিখিত সদস্য সমন্বয়ে সিন্ডিকেট গঠিত হইবে, যথা :-

- (ক) ভাইস-চ্যান্সেলর, যিনি ইহার চেয়ারম্যানও হইবেন;
- (খ) প্রো-ভাইস-চ্যান্সেলর; অথবা একাধিক হইলে, সকল প্রো-ভাইস-চ্যান্সেলর;
- (গ) কোষাধ্যক্ষ ;
- (ঘ) চ্যান্সেলর কর্তৃক মনোনীত দুইজন অধ্যক্ষ, যাহাদের একজন আলিয়া মাদ্রাসার অধ্যক্ষ এবং অপরজন কলেজ অধ্যক্ষ হইবেন ;
- (ঙ) দুইজন ডীন, যাহাদের মধ্যে একজন চ্যান্সেলর কর্তৃক এবং অপরজন সিন্ডিকেট কর্তৃক পালাক্রমে মনোনীত হইবেন ;
- (চ) চ্যান্সেলর কর্তৃক মনোনীত দুইজন শিক্ষক, যাহাদের একজন অধ্যাপক বা সহযোগী অধ্যাপক এবং অপরজন সহকারী অধ্যাপক বা প্রভাষক হইবেন;
- (ছ) সরকার কর্তৃক মনোনীত যুগ্ম-সচিব বা তদুর্ধ্ব পর্যায়ের দুইজন কর্মকর্তা;
- (জ) সিন্ডিকেট কর্তৃক মনোনীত দুইজন বিশিষ্ট শিক্ষাবিদ যাহাদের একজন ইসলামী শিক্ষায় এবং অপরজন সাধারণ শিক্ষায় উৎসাহী;
- (ঝ) বিশ্ববিদ্যালয়ের স্নাতকদের মধ্য হইতে চ্যান্সেলর কর্তৃক মনোনীত দুইজন স্নাতক যাহারা সমাজে সুপ্রতিষ্ঠিত;
- (ঞ) সরকার কর্তৃক মনোনীত দুইজন অধ্যক্ষ, যাহাদের একজন ফাজিল মাদ্রাসার অধ্যক্ষ এবং অপরজন ও কামিল মাদ্রাসার অধ্যক্ষ হইবেন; এবং
- (ট) সিন্ডিকেট কর্তৃক পালাক্রমে মনোনীত একজন প্রাধ্যক্ষ ।

(১ক) দফা (ঙ) তে উল্লিখিত সিন্ডিকেট কর্তৃক মনোনীত সদস্য এবং দফা (জ) ও টে) তে উল্লিখিত সদস্যগণ সিন্ডিকেট কর্তৃক উহার প্রথম সভায় মনোনীত হইবেন।”

^{১৫} সংশোধন :- বাংলাদেশ গেজেট, অতিরিক্ত, ডিসেম্বর - ১৩, ২০০৭ ও মার্চ ৩১, ২০১০

^{১৬} সংশোধন :- বাংলাদেশ গেজেট, অতিরিক্ত, অক্টোবর- ১১, ২০০৬, ডিসেম্বর-১৩, ২০০৭ ও মার্চ ৩১, ২০১০

^{১৭} সংশোধন :- বাংলাদেশ গেজেট, অতিরিক্ত, অক্টোবর- ১১, ২০০৬, ডিসেম্বর-১৩, ২০০৭ ও মার্চ ৩১, ২০১০

^{১৮} সংশোধন :- বাংলাদেশ গেজেট, অতিরিক্ত, এপ্রিল - ১৩, ১৯৯৯ ও মার্চ ৩১, ২০১০

- (২) সিন্ডিকেট কর্তৃক নির্বাচিত এবং মনোনীত সদস্যগণ দুই বৎসর সময়ের জন্য সদস্যপদে অধিষ্ঠিত থাকিবেন, কিন্তু তাহাদের উত্তরাধিকারীগণ কর্মভার গ্রহণ না করা পর্যন্ত তাহারা ঐ পদে বহাল থাকিবেন।
- (৩) সিন্ডিকেটের কোন বৈঠকে কোরাম পূরণের জন্য অন্ততঃপক্ষে সিন্ডিকেটের মোট সদস্যের এক-তৃতীয়াংশের উপস্থিতির প্রয়োজন হইবে।

২০। সিন্ডিকেটের ক্ষমতা ও কার্যাবলী :

- (১) সিন্ডিকেট হইবে বিশ্ববিদ্যালয়ের প্রধান নির্বাহী সংস্থা এবং এই আইন, সংবিধি, অধ্যাদেশ এবং প্রবিধানসমূহের বিধানাবলী সাপেক্ষে, বিশ্ববিদ্যালয়ের কার্যাবলী, প্রতিষ্ঠানাদি এবং সম্পত্তিসমূহের উপর সিন্ডিকেটের সাধারণ ব্যবস্থাপনা এবং তত্ত্বাবধানের ক্ষমতা থাকিবে।
- (২) বিশেষতঃ উপরে বর্ণিত ক্ষমতাবলীর ক্ষেত্রে এবং ইহাদের সাধারণত্বকে ক্ষুণ্ণ না করিয়া, সিন্ডিকেট-
- (ক) বিশ্ববিদ্যালয়ের সম্পদ ও তহবিলসমূহ সংগ্রহ, অধিকার বজায়, নিয়ন্ত্রণ ও পরিচালনা করিবে ;
- (খ) বিশ্ববিদ্যালয়ের সাধারণ সীলমোহর কি আকারের হইবে, কোন কর্তৃপক্ষের হেফাজতে ইহা থাকিবে এবং কি পদ্ধতিতে ইহা ব্যবহার করা হইবে তাহা স্থির করিবে ;
- (গ) এই আইন কর্তৃক ভাইস-চ্যান্সেলরকে প্রদত্ত ক্ষমতাবলী সাপেক্ষে, এই আইন, সংবিধি এবং অধ্যাদেশসমূহ মোতাবেক বিশ্ববিদ্যালয়ের সংশ্লিষ্ট সকল বিষয় নিয়ন্ত্রণ ও নির্ধারণ করিবে ;
- (ঘ) বার্ষিক বাজেট বিবেচনা করিবে এবং কমিশনের মাধ্যমে অনুমোদনের জন্য চ্যান্সেলরের নিকট ইহা পেশ করিবে ;
- (ঙ) বিশ্ববিদ্যালয় কর্তৃক গৃহীত সকল উইল এবং বিশ্ববিদ্যালয়ের আর্থিক চাহিদার একটি পূর্ণ বিবরণী প্রতি বৎসর কমিশনের সমীপে পেশ করিবে ;
- (চ) বিশ্ববিদ্যালয়ের নিকট বিশেষ উদ্দেশ্যে প্রদত্ত যে কোন তহবিল পরিচালনা করিবে ;
- (ছ) এই আইনে বা সংবিধিতে অন্যভাবে প্রদত্ত বিধান ব্যতীত, বিশ্ববিদ্যালয়ের অফিসার, শিক্ষক এবং কর্মচারী নিয়োগ এবং তাহাদের কর্তব্য ও চাকুরীর শর্তাবলী নির্ধারণ করিবে ;
- (জ) চ্যান্সেলরের অনুমোদন সাপেক্ষে সংবিধি প্রণয়ন; সংশোধন বা বাতিল করিবে ;
- (ঝ) অধ্যাদেশ প্রণয়ন, সংশোধন বা বাতিল করিবে ;
- (ঞ) বিশ্ববিদ্যালয়ের পক্ষে উইল, দান এবং হস্তান্তরকৃত সম্পত্তি গ্রহণ করিবে ;
- (ট) বিশ্ববিদ্যালয়ের পরীক্ষাসমূহ অনুষ্ঠান ও ইহাদের ফলাফল প্রকাশের ব্যবস্থা করিবে ;
- (ঠ) সংবিধি মোতাবেক অধ্যাপক, সহযোগী অধ্যাপক, সহকারী অধ্যাপক বা প্রভাষক এবং অন্যান্য শিক্ষকের পদ সৃষ্টি করিতে পারিবে ;
- (ড) এই আইন বা সংবিধি দ্বারা প্রদত্ত সকল ক্ষমতা প্রয়োগ ও অর্পিত অন্যান্য কার্যাবলী সম্পাদন করিবে ;
- (ঢ) এই আইন বা সংবিধি দ্বারা অন্যভাবে প্রদত্ত নয়, বিশ্ববিদ্যালয়ের এইরূপ অন্যান্য সকল ক্ষমতা প্রয়োগ করিবে ।

- (৩) প্রবিধান জ্ঞারা নির্ধারিত শর্তাবলী সাপেক্ষে সিডিকেট ফরম নির্ধারণ করিবে, সেইরূপ ব্যক্তি বা কর্তৃপক্ষকে বিশ্ববিদ্যালয়ের অফিসার, শিক্ষক বা কর্মচারী নিয়োগ করিবার ক্ষমতা প্রদান করিতে পারিবে।

২১। একাডেমিক কাউন্সিল :

- (১) একাডেমিক কাউন্সিল নিম্নরূপ সদস্য সমন্বয়ে গঠিত হইবে, যথাঃ-
- (ক) ভাইস-চ্যান্সেলর, যিনি ইহার চেয়ারম্যানও হইবেন;
- (কক) প্রো-ভাইস-চ্যান্সেলর, অথবা একাধিক হইলে সকল প্রো-ভাইস-চ্যান্সেলর^{১৯};
- (খ) ফ্যাকালটিসমূহের ডীন;
- (গ) বিভাগসমূহের সকল প্রফেসর এবং চেয়ারম্যান ;
- (ঘ) লাইব্রেরিয়ান ;
- (ঙ) চ্যান্সেলর কর্তৃক মনোনীত ৮ (আট) জন সদস্য;
- (চ) সকল ডীন এবং বিভাগসমূহের সকল চেয়ারম্যান ব্যতীত, সংবিধি কর্তৃক নির্ধারিত পদ্ধতিতে শিক্ষকদের মধ্য হইতে নির্বাচিত দুইজন সহযোগী অধ্যাপক এবং সহযোগী অধ্যাপকের নিম্নের পদের দুইজন শিক্ষক।
- (২) একাডেমিক কাউন্সিলের মনোনীত এবং নির্বাচিত সদস্যসমূহ দুই বৎসর সময়ের জন্য স্থায়ী পদে নিযুক্ত হইবেন কিন্তু তাঁহাদের উত্তরাধিকারীগণ কার্যভার গ্রহণ না করা পর্যন্ত তাঁহারা স্থায়ী পদে বহাল থাকিবেন।

২২। একাডেমিক কাউন্সিলের ক্ষমতা এবং কার্যাবলী §^{২০} একাডেমিক কাউন্সিল, এই আইন, সংবিধি ও অধ্যাদেশসমূহের বিধান সাপেক্ষে, বিশ্ববিদ্যালয়ের অধিভুক্ত ফাজিল ও কামিল মাদ্রাসাসমূহের শিক্ষা ব্যতীত, -

- (ক) বিশ্ববিদ্যালয়ের অন্যান্য শিক্ষা বিষয়ক প্রধান সংস্থা হইবে;
- (খ) বিশ্ববিদ্যালয়ের মধ্যকার সকল পঠন, শিক্ষা এবং পরীক্ষার মান বজায় রাখিবার জন্য দায়ী থাকিবে এবং উহা নিয়ন্ত্রণ ও সাধারণ অঙ্গবধান করিবে;
- (গ) বিশ্ববিদ্যালয়ের অন্যান্য শিক্ষা সংক্রান্ত সকল বিষয়ে সিডিকেটকে পরামর্শ দান করিবে; এবং
- (ঘ) সংবিধি জ্ঞারা প্রদত্ত অন্যান্য ক্ষমতা-প্রয়োগ ও কার্যাবলী সম্পাদন করিবে।

২২(ক) মাদ্রাসা সংক্রান্ত একাডেমিক কমিটি §^{২১} (১) এই আইনের উদ্দেশ্য পূরণকল্পে, বিশ্ববিদ্যালয়ের অধিভুক্ত ফাজিল ও কামিল মাদ্রাসাসমূহের নিয়ন্ত্রণ ও সাধারণ অঙ্গবধানের উদ্দেশ্যে একটি মাদ্রাসা সংক্রান্ত একাডেমিক কমিটি থাকিবে, যাহা নিম্নরূপ সদস্য সমন্বয়ে গঠিত হইবে, যথাঃ-

- (ক) ভাইস-চ্যান্সেলর, যিনি ইহার চেয়ারম্যানও হইবেন ;
- (খ) প্রো-ভাইস-চ্যান্সেলর, অথবা একাধিক হইলে, সকল প্রো-ভাইস-চ্যান্সেলর;
- (গ) কোষাধ্যক্ষ;

^{১৯} সংশোধনঃ- বাংলাদেশ গেজেট, অতিরিক্ত, এপ্রিল - ১৩, ১৯৯৯, ডিসেম্বর-১৩, ২০০৭ ও মার্চ ৩১, ২০১০

^{২০} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০

^{২১} সংশোধনঃ- বাংলাদেশ গেজেট, অতিরিক্ত, অক্টোবর- ১১, ২০০৬ ও মার্চ ৩১, ২০১০

- (ঘ) মহাপরিচালক বা তাঁহার প্রতিনিধি, যিনি মাধ্যমিক ও উচ্চ মাধ্যমিক শিক্ষার দায়িত্বে নিয়োজিত পরিচালক পদমর্যাদার নীচে নহেন;
- (ঙ) চেয়ারম্যান, বাংলাদেশ মাদ্রাসা শিক্ষা বোর্ড;
- (চ) সরকার কর্তৃক মনোনীত যে কোন সরকারি বিশ্ববিদ্যালয়ের আরবী বিভাগের বিভাগীয় প্রধান;
- (ছ) সরকার কর্তৃক মনোনীত যে কোন সরকারি বিশ্ববিদ্যালয়ের ইসলামিক শিক্ষা বিভাগের বিভাগীয় প্রধান;
- (জ) বিশ্ববিদ্যালয়ের সকল অনুষদের ডীন;
- (ঝ) সরকার কর্তৃক মনোনীত সরকারি ফজিল বা কামিল মাদ্রাসার একজন অধ্যক্ষ;
- (ঞ) সরকার কর্তৃক মনোনীত বেসরকারি ফজিল ও কামিল মাদ্রাসার মুহাদ্দিসগণের মধ্য হইতে দুইজন মুহাদ্দিস;
- (ট) মাদ্রাসা সংক্রান্ত একাডেমিক কমিটি কর্তৃক মনোনীত একজন ফকিহ;
- (ঠ) মাদ্রাসা সংক্রান্ত একাডেমিক কমিটি কর্তৃক মনোনীত একজন মুফাসসির;
- (ড) মাদ্রাসা সংক্রান্ত একাডেমিক কমিটি কর্তৃক মনোনীত একজন আদিব;
- (ঢ) সরকার কর্তৃক মনোনীত বেসরকারি মাদ্রাসার অধ্যক্ষগণের মধ্যে হইতে দুইজন অধ্যক্ষ;
- (ণ) পরীক্ষা নিয়ন্ত্রক;
- (ত) মাদ্রাসা পরিদর্শক
- (থ) মানবিক, বিজ্ঞান, সামাজিক বিজ্ঞান, বাণিজ্য ও আইন বিষয়ে সিণ্ডিকেট কর্তৃক মনোনীত একজন করিয়া শিক্ষক; এবং
- (দ) রেজিস্ট্রার, যিনি মাদ্রাসা সংক্রান্ত একাডেমিক কমিটির সদস্য-সচিবও হইবেন।
- (২) মাদ্রাসা সংক্রান্ত একাডেমিক কমিটির মনোনীত সদস্যগণ দুই বৎসরের জন্য স্থায়ী পদে নিযুক্ত হইবেন।
- (৩) মাদ্রাসা সংক্রান্ত একাডেমিক কমিটির সভায় উহার চেয়ারম্যানসহ দশজন সদস্যের উপস্থিতিতে কোরাম গঠিত হইবে।
- ২২(খ) মাদ্রাসা সংক্রান্ত একাডেমিক কমিটির ক্ষমতা ও কার্যাবলী §^{২২} মাদ্রাসা সংক্রান্ত একাডেমিক কমিটি, এই আইন, সংবিধি ও অধ্যাদেশসমূহের বিধান সাপেক্ষে,-
- (ক) বিশ্ববিদ্যালয়ের অধিভুক্ত ফাজিল ও কামিল মাদ্রাসাসমূহের শিক্ষা বিষয়ক প্রধান সংস্থা হইবে;
- (খ) বিশ্ববিদ্যালয়ের অধিভুক্ত মাদ্রাসা সংক্রান্ত সকল পঠন, শিক্ষা এবং পরীক্ষার মান বজায় রাখিবার জন্য দায়ী থাকিবে এবং উক্ত মাদ্রাসাসমূহ নিয়ন্ত্রণ ও সাধারণ অত্রাবধান করিবে;
- (গ) ফাজিল ও কামিল মাদ্রাসা পরিদর্শন ও শিক্ষা সংক্রান্ত সকল বিষয়ে সিণ্ডিকেটকে পরামর্শ দান করিবে;

- (ঘ) কারিকুলাম কমিটির সংখ্যা ও বিষয় নির্ধারণ করিবে এবং কারিকুলাম কমিটি কর্তৃক সুপারিশকৃত পাঠ্যসূচীসমূহ সিঙ্কিকেট কর্তৃক অনুমোদনের জন্য সুপারিশ করিবে;
- (ঙ) সিঙ্কিকেট কর্তৃক বিবেচনার উদ্দেশ্যে, ফাজিল ও কামিল মাদ্রাসা শিক্ষা সংক্রান্ত সংবিধি ও অধ্যাদেশের খসড়া প্রণয়ন করিবে; এবং
- (চ) সংবিধি কর্তৃক প্রদত্ত অন্যান্য ক্ষমতা প্রয়োগ ও কার্যাবলী সম্পাদন করিবে।

২৩। ফ্যাকালটিস :

- (১) ইসলামী স্টাডিজ, মানবিক ও সমাজ বিজ্ঞান, ফলিত বিজ্ঞান ও কারিগরি বিদ্যার ফ্যাকালটিসমূহ বিশ্ববিদ্যালয়ের অন্তর্ভুক্ত থাকিবে এবং সংবিধি কর্তৃক নির্ধারিত পদ্ধতিতে বিশ্ববিদ্যালয় নূতন নূতন ফ্যাকালটি সৃষ্টি করিতে পারিবে।
- (২) একাডেমিক কাউন্সিলের নিয়ন্ত্রণ সাপেক্ষে, অধ্যাদেশ কর্তৃক প্রতিটি ফ্যাকালটিতে যে সকল বিষয় নির্ধারণ করিয়া দিবে সেই ফ্যাকালটির উপরই সে সকল বিষয়ে শিক্ষণ, পাঠক্রম এবং গবেষণার কার্যাবলীর দায়িত্ব থাকিবে।
- (৩) ফ্যাকালটিসমূহের সংগঠন এবং ক্ষমতাবলী সংবিধি কর্তৃক নির্ধারিত হইবে।
- (৪) প্রত্যেক ফ্যাকালটিতে একজন ডীন থাকিবেন, যিনি, সিঙ্কিকেটের অনুমোদনক্রমে, ভাইস-চ্যান্সেলর কর্তৃক পালাক্রমে জ্যেষ্ঠতার ভিত্তিতে দুই বৎসরের জন্য নিযুক্ত হইবেন^{২৩}।
- (৫) ডীন ভাইস-চ্যান্সেলরের নিয়ন্ত্রণ এবং সাধারণ তত্ত্বাবধানের অধীন থাকিবেন এবং ফ্যাকালটি সংক্রান্ত সকল সংবিধি, অধ্যাদেশ এবং প্রবিধি পরিপালনের দায়িত্বে নিয়োজিত থাকিবেন।

২৪। বিভাগসমূহের চেয়ারম্যানগণ : শিক্ষা প্রদানকারী প্রত্যেক বিভাগের প্রধানকে চেয়ারম্যান হিসাবে অভিহিত করা হইবে এবং তিনি সংবিধি কর্তৃক নির্দিষ্ট পদ্ধতিতে নিযুক্ত হইবেন।

২৫। পাঠক্রম কমিটি : প্রত্যেক বিষয় বা কয়েকটি বিষয়ের জন্য একটি পাঠক্রম কমিটি থাকিবে। পাঠক্রম এবং পাঠ্যসূচী প্রণয়নের এবং সংবিধি ও অধ্যাদেশ কর্তৃক ইহার উপর অর্পিত অন্যান্য কার্যের জন্য এই কমিটি দায়ী থাকিবে।

২৫(ক)। কারিকুলাম কমিটি :^{২৪}

(১) ফাজিল ও কামিল উভয় স্তরের এক বা একাধিক বিষয়ের জন্য অনূন একটি কারিকুলাম কমিটি থাকিবে এবং উহা নিম্নরূপ সদস্য সমন্বয়ে গঠিত হইবে, যথা : -

(ক) সংশ্লিষ্ট বিষয়ের বিভাগীয় প্রধান, যিনি ইহার চেয়ারম্যানও হইবেন :

তবে শর্ত থাকে যে, সংশ্লিষ্ট বিষয়ে বিশ্ববিদ্যালয়ের কোন বিভাগ না থাকিলে মাদ্রাসা সংক্রান্ত একাডেমিক কমিটি কর্তৃক মনোনীত বিশ্ববিদ্যালয়ের কোন শিক্ষক উক্ত বিষয়ে কারিকুলাম কমিটির চেয়ারম্যান হইবেন;

^{২৩} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০

^{২৪} সংশোধনঃ- বাংলাদেশ গেজেট, অতিরিক্ত, অক্টোবর- ১১, ২০০৬, ডিসেম্বর-১৩, ২০০৭ ও মার্চ ৩১, ২০১০

- (খ) মাদ্রাসা সংক্রান্ত একাডেমিক কমিটি কর্তৃক মনোনীত কামিল মাদ্রাসার সংশ্লিষ্ট বিষয়সমূহের দুইজন শিক্ষক ;
- (গ) মাদ্রাসা সংক্রান্ত একাডেমিক কমিটি কর্তৃক মনোনীত ফাজিল মাদ্রাসার সংশ্লিষ্ট বিষয়সমূহের দুইজন শিক্ষক ;
- (ঘ) সিন্ডিকেট কর্তৃক মনোনীত বিশ্ববিদ্যালয়ের সংশ্লিষ্ট বিষয়ের দুইজন শিক্ষক ।
- (২) কারিকুলাম কমিটি মাদ্রাসা সংক্রান্ত একাডেমিক কমিটির নিয়ন্ত্রণে থাকিয়া কার্য সম্পাদন করিবে ।
- (৩) কারিকুলাম কমিটির মনোনীত সদস্যগণ দুই বৎসরের জন্য স্বীয় পদে নিযুক্ত হইবেন ।
- (৪) কারিকুলাম কমিটির সভায় চার জন সদস্যের উপস্থিতিতে কোরাম গঠিত হইবে ।
- (৫) কারিকুলাম কমিটি পাঠ্যসূচী প্রণয়ন এবং এই আইন, সংবিধি ও অধ্যাদেশ দ্বারা বা উহাদের অধীন অর্পিত অন্যান্য কার্যাবলী সম্পাদনের জন্য দায়ী থাকিবে ।”
- ২৬। বোর্ডস অব এ্যাডভান্সড স্টাডিজ : বিশ্ববিদ্যালয়ের দ্বিতীয় স্তরের শিক্ষাকে সংগঠিত করার জন্য একটি বোর্ড অব এ্যাডভান্সড স্টাডিজ থাকিবে, যাহা সংবিধি কর্তৃক নির্ধারিত পদ্ধতিতে গঠিত হইবে ।
- ২৭। অর্থ-কমিটি : (১) নিম্নরূপ সদস্য সমন্বয়ে অর্থ কমিটি গঠিত হইবে, যথাঃ-
- (ক) কোষাধ্যক্ষ, যিনি ইহার চেয়ারম্যানও হইবেন^{২৫};
- (খ) ভাইস-চ্যান্সেলর কর্তৃক পালাক্রমে মনোনীত একজন ডীন^{২৬};
- (গ) ভাইস-চ্যান্সেলর কর্তৃক মনোনীত ফাজিল বা কামিল মাদ্রাসার একজন অধ্যক্ষ^{২৭} ।
- (ঘ) অর্থ বিষয়ে দুইজন দক্ষ ব্যক্তি, যাহাদের একজন সিন্ডিকেট কর্তৃক এবং অপরজন চ্যান্সেলর কর্তৃক মনোনীত হইবেন ;
- (১ক) ভাইস-চ্যান্সেলর এবং প্রো-ভাইস-চ্যান্সেলর অর্থ কমিটির উপদেষ্টা হইবেন^{২৮} ;
- তবে শর্ত থাকে যে, প্রো-ভাইস-চ্যান্সেলর একাধিক থাকিলে চ্যান্সেলর কর্তৃক মনোনীত প্রো-ভাইস-চ্যান্সেলর উক্ত কমিটির উপদেষ্টা হইবেন ।”
- (২) অর্থ কমিটির মনোনীত সদস্যগণ এক বছর সময় স্বীয় পদে অধিষ্ঠিত থাকিবেন, কিন্তু তাঁহাদের উত্তরাধিকারী সদস্য কার্যভার গ্রহণ না করা পর্যন্ত তাঁহারা তাঁহাদের পদে বহাল থাকিবেন ।
- (৩) অর্থ-কমিটি-
- (ক) বিশ্ববিদ্যালয়ের আয় ও ব্যয়ের তত্ত্বাবধান করিবে;
- (খ) সিন্ডিকেটকে বিশ্ববিদ্যালয়ের হিসাব, সম্পত্তি এবং তহবিল সম্পর্কিত সকল বিষয়ে উপদেশ দিবে;
- (গ) সংবিধি কর্তৃক নির্ধারিত অন্যান্য সকল কার্য সম্পাদন করিবে ।

^{২৫} সংশোধনঃ- বাংলাদেশ গেজেট, অতিরিক্ত, এপ্রিল- ১৩, ১৯৯৯ ও মার্চ ৩১, ২০১০

^{২৬} সংশোধনঃ- বাংলাদেশ গেজেট, অতিরিক্ত, এপ্রিল- ১৩, ১৯৯৯ ও মার্চ ৩১, ২০১০

^{২৭} সংশোধনঃ- বাংলাদেশ গেজেট, অতিরিক্ত, অক্টোবর- ১১, ২০০৬ ও মার্চ ৩১, ২০১০

^{২৮} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০

২৮। পরিকল্পনা ও উন্নয়ন কমিটি :

- (১) নিম্নলিখিত সদস্যগণের সমন্বয়ে পরিকল্পনা ও উন্নয়ন কমিটি গঠিত হইবে, যথা-
 - (ক) ভাইস-চ্যান্সেলর যিনি ইহার চেয়ারম্যান হইবেন;
 - (কক) প্রো-ভাইস-চ্যান্সেলর, অথবা একাধিক হইলে, চ্যান্সেলর কর্তৃক মনোনীত প্রো-ভাইস-চ্যান্সেলর^{২৯};
 - (খ) কোষাধ্যক্ষ;
 - (গ) পালাক্রমে ভাইস-চ্যান্সেলর কর্তৃক মনোনীত একজন উীন;
 - (ঘ) বিশ্ববিদ্যালয়ের বাহির হইতে চ্যান্সেলর কর্তৃক মনোনীত একজন স্থপতি বা প্রকৌশলী ;
 - (ঙ) চ্যান্সেলর কর্তৃক মনোনীত অর্থ বিষয়ে একজন সুদক্ষ ব্যক্তি;
 - (চ) সরকার কর্তৃক মনোনীত একজন অফিসার;
 - (ছ) পরিকল্পনা ও উন্নয়ন অফিসার যিনি ইহার সচিব হইবেন ।
- (২) মনোনীত সদস্যবৃন্দ তিন বৎসর সময় স্ব স্ব পদে অধিষ্ঠিত থাকিবেন এবং তাঁহাদের উত্তরাধিকারীগণ কার্যভার গ্রহণ না করা পর্যন্ত তাঁহারা স্থায়ী পদে বহাল থাকিবেন ।
- (৩) সংবিধি জ্ঞারা নির্ধারিত কার্যাবলী পরিকল্পনা ও উন্নয়ন কমিটি সম্পাদন করিবেন ।

২৯। বাছাই বোর্ডসমূহ :

- (১) বিশ্ববিদ্যালয়ের বিভিন্ন বিষয়ের অধ্যাপক, সহযোগী অধ্যাপক, সহকারী অধ্যাপক, প্রভাষক এবং অন্যান্য শিক্ষক পদে নিয়োগের উদ্দেশ্যেও সুপারিশ করার জন্য বাছাই বোর্ডসমূহ থাকিবে ।
- (২) সংবিধি বাছাই বোর্ডসমূহের সংগঠন এবং কার্যাবলী নিরূপণ করিয়া দিবে ।

৩০। বিশ্ববিদ্যালয়ের অন্যান্য কর্তৃপক্ষ : এইরূপ অন্যান্য কর্তৃপক্ষ যাহাকে সংবিধি বিশ্ববিদ্যালয়ের কর্তৃপক্ষ হিসাবে ঘোষণা করিবে, তাহার সংগঠন, ক্ষমতা ও কার্যাবলী সংবিধিতে নির্ধারিত হইবে ।

৩১। সংবিধিসমূহ : এই আইনের বিধান সাপেক্ষে, সংবিধিসমূহ নিম্নলিখিত সকল বা যে কোন বিষয়ের, যথাঃ-

- (ক) সম্মানসূচক ডিগ্রী অর্পণ ;
- (খ) ফেলোশীপ, বৃত্তি, প্রদর্শনী এবং পুরস্কার প্রবর্তন;
- (গ) অফিসার এবং শিক্ষকদের পদবী, ক্ষমতা ও কর্তব্য এবং চাকুরীর শর্তাবলী ;
- (ঘ) কর্তৃপক্ষসমূহের সংগঠন, ক্ষমতা এবং কার্যাবলী;
- (ঙ) শিক্ষাবিষয়ক যাদুঘর, স্কুল এবং প্রতিষ্ঠানসমূহ স্থাপন এবং রক্ষণাবেক্ষণ এবং শিক্ষা ও গবেষণার উৎকর্ষসাধনের জন্য প্রদর্শনীর ব্যবস্থা এবং ইহাদের প্রশাসন ও ব্যবস্থাপনা ;
- (চ) ছাত্রাবাসসমূহ প্রতিষ্ঠা এবং রক্ষণাবেক্ষণ;
- (ছ) অধ্যাপক, সহযোগী অধ্যাপক, সহকারী অধ্যাপক, প্রভাষক এবং অন্যান্য শিক্ষকদের বাছাই ও নিয়োগের পদ্ধতি ;
- (জ) বিশ্ববিদ্যালয়ের অফিসার, শিক্ষক ও কর্মচারীদের কল্যাণার্থে অবসর ভাতা, গোষ্ঠী-বীমা, কল্যাণ ও ভবিষ্য তহবিলের সংগঠন;

^{২৯} সংশোধনঃ- বাংলাদেশ গেজেট, অতিরিক্ত, এপ্রিল- ১৩, ১৯৯৯

- (ঝ) স্নাতকদের তালিকা সংরক্ষণ ; এবং
 (ঞ) এই আইন মোতাবেক সংবিধি কর্তৃক নির্ধারিত অথবা নির্ধারিত হইতে পারে এইরূপ অন্যান্য সকল বিষয়ের জন্য বিধান করা হইবে ।

৩২। সংবিধি প্রণয়ন :

- (১) এই আইন বলবৎ হওয়ার দুই বৎসরের মধ্যে চ্যাপেলর সংবিধি প্রণয়ন করিতে পারিবেন এবং যে কোন সময়ে তাহা সংশোধন বা বাতিল করিতে পারিবেন ।
- (২) যে কোন সময়ে সিন্ডিকেট সংবিধি প্রণয়ন করিতে পারিবেন এবং তাহা সংশোধন বা বাতিল করিতে পারিবেন ।
- (৩) সিন্ডিকেট কর্তৃক প্রণীত সকল সংবিধি এবং এতদসম্পর্কে সকল সংশোধনী এবং বাতিলকৃত বিষয় চ্যাপেলরের নিকট তাঁহার অনুমোদনের জন্য পেশ করিতে হইবে ।
- (৪) কোন সংবিধি বা এতদসম্পর্কে কোন সংশোধন বা কোন বাতিলকৃত বিষয় চ্যাপেলর কর্তৃক অনুমোদিত না হওয়া পর্যন্ত বৈধ হইবে না ।
- (৫) অন্যভাবে বিধান করা না থাকিলে, কোন কর্তৃপক্ষের সংগঠন, ক্ষমতা এবং কার্যাবলীর ক্ষতিকারক কোন সংবিধি সিন্ডিকেট ততক্ষণ প্রস্তাব করিতে পারিবেন না, যতক্ষণ পর্যন্ত উক্ত কর্তৃপক্ষকে এই প্রস্তাবের সম্পর্কে মতামত প্রকাশের সুযোগ প্রদান করা না হয় ।
- (৬) প্রস্তাবিত সংবিধি সম্পর্কে কর্তৃপক্ষের মতামত লিখিত আকারে থাকিতে হইবে এবং সিন্ডিকেট তাহা বিবেচনা করিবেন এবং প্রস্তাবিত সংবিধিসহ খসড়া আকারে উক্ত মতামত চ্যাপেলরের নিকট পেশ করিবেন ।

৩৩। অধ্যাদেশসমূহ : এই আইন ও সংবিধির বিধান সাপেক্ষে, অধ্যাদেশসমূহে নিম্নরূপ সকল বা যে কোন একটি বিষয় অন্তর্ভুক্ত থাকিতে পারিবে, যথাঃ-

- (ক) বিশ্ববিদ্যালয়ের সকল ডিগ্রী, সার্টিফিকেট এবং ডিপ্লোমার জন্য প্রণীত পাঠক্রম ;
- (খ) শিক্ষাদানের পদ্ধতি ;
- (গ) বিশ্ববিদ্যালয়ের ডিগ্রী, সার্টিফিকেট বা ডিপ্লোমার পাঠক্রমে ভর্তি, পরীক্ষাসমূহে উপস্থিতি এবং ডিগ্রী, সার্টিফিকেট ও ডিপ্লোমা পাওয়ার যোগ্যতার শর্তাবলী ;
- (ঘ) বিশ্ববিদ্যালয় এবং ইহার অধিভুক্ত ফাজিল ও কামিল মাদরাসায়^{৩০} ছাত্রদের ভর্তি ;
- (ঙ) বিশ্ববিদ্যালয়ের ছাত্রদের বসবাসের শর্তাবলী ;
- (চ) বিশ্ববিদ্যালয়ের পাঠক্রমে ও ছাত্রাবাসে ভর্তি এবং বিশ্ববিদ্যালয়ের পরীক্ষা, ডিগ্রী, সার্টিফিকেট এবং ডিপ্লোমার জন্য আদায়যোগ্য ফিস ;
- (ছ) ফ্যাকালটিসমূহের অধীন শিক্ষা প্রদানের বিভাগগুলি গঠন ;
- (জ) পরীক্ষাদি পরিচালনা ; এবং
- (ঝ) এই আইন বা সংবিধি বা অধ্যাদেশ কর্তৃক প্রদত্ত বিধান মোতাবেক অন্য সকল বিষয় ।

^{৩০} সংশোধনঃ- বাংলাদেশ গেজেট, অতিরিক্ত, অক্টোবর-১১, ২০০৬

৩৪। অধ্যাদেশ প্রণয়ন :

(১) সিডিকেট অধ্যাদেশ প্রণয়ন করিবেন :

তবে শর্ত থাকে যে, এমন কোন অধ্যাদেশ প্রণয়ন করা যাইবে না, যাহা-

- (ক) একাডেমিক কাউন্সিল এতদসম্পর্কে খসড়া প্রস্তাব পেশ না করা পর্যন্ত, ছাত্রদের ভর্তিকে ক্ষতিগ্রস্ত করিবে এবং বিশ্ববিদ্যালয়ের পরীক্ষাগুলির সমকক্ষ হিসাবে স্বীকৃত পরীক্ষার নির্ধারণ করিবে ; অথবা
- (খ) সংশ্লিষ্ট ফ্যাকালটির সুপারিশ মোতাবেক, একাডেমিক কাউন্সিল এতদসম্পর্কে কোন খসড়া প্রস্তাব পেশ না করা পর্যন্ত, পরীক্ষা গ্রহণ অথবা পরীক্ষার মান বা শিক্ষাক্রমকে ক্ষতিগ্রস্ত করিবে;

- (২) (১) উপ-ধারা অনুসারে একাডেমিক কাউন্সিলের প্রস্তাবিত কোন খসড়া প্রস্তাবকে সংশোধন করার ক্ষমতা সিডিকেটের এখতিয়ারে থাকিবে না, তবে সিডিকেট এইরূপ খসড়া প্রস্তাব প্রত্যাখান করিতে পারিবেন, অথবা সিডিকেটের নিজের কোন সংশোধনী প্রস্তাব থাকিলে তাহা এবং খসড়া প্রস্তাব একত্রে পুনর্বিবেচনার জন্য একাডেমিক কাউন্সিলের নিকট ফেরত পাঠাইতে পারিবেন।
- (৩) যেক্ষেত্রে সিডিকেট একাডেমিক কাউন্সিল কর্তৃক প্রস্তাবিত কোন অধ্যাদেশের খসড়াকে প্রত্যাখান করিবেন, সেক্ষেত্রে প্রস্তাবের তারিখ হইতে ছয় মাস সময় অতিক্রান্ত হওয়ার পরে একাডেমিক কাউন্সিল সিডিকেটের নিকট ঐ একই খসড়া প্রস্তাব পেশ করিতে পারিবেন।

৩৪ক। ফাজিল ও কামিল মাদ্রাসার সহিত সংশ্লিষ্ট অধ্যাদেশ প্রণয়নঃ^{৩১}

- (১) ফাজিল ও কামিল মাদ্রাসার সহিত সংশ্লিষ্ট অধ্যাদেশসমূহ সিডিকেট কর্তৃক প্রণীত হইবে।
- (২) মাদ্রাসা সংক্রান্ত একাডেমিক কমিটি কর্তৃক প্রস্তুতকৃত অধ্যাদেশের খসড়া সিডিকেটের নিকট প্রেরণ করিতে হইবে।
- (৩) উপ-ধারা (২) অনুসারে প্রেরিত অধ্যাদেশের খসড়া বাতিল করিবার কোন ক্ষমতা সিডিকেটের এখতিয়ারে থাকিবে না, তবে সিডিকেট উহা সংশোধন করিতে পারিবে এবং মাদ্রাসা সংক্রান্ত একাডেমিক কমিটিতে উহা ফেরত পাঠাইতে পারিবে।
- (৪) সিডিকেট কর্তৃক অধ্যাদেশের খসড়া ফেরত পাঠানো হইলে, মাদ্রাসা সংক্রান্ত একাডেমিক কমিটি সংশোধনীসমূহ বিবেচনা করিয়া সংশোধনীসহ পুনরায় উহা সিডিকেটে প্রেরণ করিতে পারিবে, অথবা সংশোধনীসমূহ বিবেচনা না করিয়া ছয় মাস অতিক্রান্ত হইবার পর অধ্যাদেশের মূল খসড়া সিডিকেটে প্রেরণ করিতে পারিবে।
- (৫) উপ-ধারা (৪) এ উল্লিখিত সময় অতিক্রান্ত হইবার পর অধ্যাদেশের মূল খসড়া প্রেরণ করা হইলে, অধ্যাদেশটি সিডিকেট কর্তৃক অনুমোদিত হইয়াছে বলিয়া গণ্য হইবে।”

^{৩১} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০

৩৫। প্রবিধিসমূহ :

- (১) কর্তৃপক্ষ এই আইন, সংবিধি এবং অধ্যাদেশসমূহের সঙ্গে সঙ্গতিপূর্ণ প্রবিধিসমূহ প্রণয়ন করিতে পারিবেন, যাহা -
 - (ক) বৈঠকের অনুসরণীয় নিয়মাবলী প্রণয়ন এবং কোরামের জন্য প্রয়োজনীয় সদস্য সংখ্যা নিরূপণ করিবে;
 - (খ) এই আইন, সংবিধি বা অধ্যাদেশসমূহ মোতাবেক প্রবিধিসমূহ কর্তৃক নির্ধারিত সকল বিষয় সম্পর্কে বিধান করা যাইবে ;
 - (গ) এই আইন, সংবিধি বা অধ্যাদেশসমূহে বিধৃত নাই অথচ কর্তৃপক্ষের সংগে কেবল সংশ্লিষ্ট এমন অন্যান্য বিষয় সম্পর্কে বিধান করা যাইবে ।
- (২) প্রত্যেক কর্তৃপক্ষ বৈঠকের তারিখ এবং বৈঠকের আলোচ্য বিষয় সম্পর্কে কর্তৃপক্ষের সদস্যদিগকে নোটিশদান এবং বৈঠকের কার্যবিবরণী রেকর্ড রাখার বিধান সম্বলিত প্রবিধিসমূহ প্রণয়ন করিতে পারিবেন ।
- (৩) সিডিকেট যেভাবে নির্ধারণ করার প্রয়োজন মনে করিবেন সেভাবে এই ধারার অধীন প্রণীত যে কোন প্রবিধির সংশোধনের অথবা (১) উপ-ধারার অধীন প্রণীত যে কোন প্রবিধি বাতিল করার নির্দেশ দিতে পারিবেন ।

তবে শর্ত থাকে যে, কোন কর্তৃপক্ষ যদি এইরূপ নির্দেশ সম্পর্কে অসন্তুষ্ট হন, তাহা হইলে তাঁহারা চ্যাম্পেলরের নিকট আপীল করিতে পারিবেন এবং সেক্ষেত্রে চ্যাম্পেলরের সিদ্ধান্ত চূড়ান্ত বলিয়া পরিগণিত হইবে ।

- ৩৬। আবাসস্থল : কোন বিশেষ কারণে ভাইস-চ্যাম্পেলর কর্তৃক ক্যাম্পাসের অভ্যন্তরে অথবা বাহিরে থাকার জন্য বিশেষ অনুমতি না পাওয়া পর্যন্ত বিশ্ববিদ্যালয়ের প্রত্যেক ছাত্রকে বিশ্ববিদ্যালয়ের ছাত্রাবাসে বসবাস করিতে হইবে ।
- ৩৭। ছাত্রাবাসসমূহ : সংবিধিসমূহে নির্ধারিতভাবে বিশ্ববিদ্যালয়ের ছাত্রাবাসসমূহ থাকিবে ।
- ৩৮। বিশ্ববিদ্যালয়ের শিক্ষাক্রমে ভর্তি : সংবিধি এবং অধ্যাদেশ অনুসারে বিশ্ববিদ্যালয়ে ছাত্র ভর্তি নির্ধারিত হইবে ।
- ৩৯। পরীক্ষাসমূহ :
 - (১) অধ্যাদেশসমূহে যে পদ্ধতি নির্ধারণ করা হইবে সে পদ্ধতিতে সংশ্লিষ্ট বিভাগগুলি পরীক্ষা পরিচালন করার জন্য সকল ব্যবস্থা গ্রহণ করিবেন এবং অধ্যাদেশসমূহে যে পদ্ধতি নির্ধারণ করা হইবে সে পদ্ধতিতে একাডেমিক কাউন্সিল সকল পরীক্ষক নিয়োগ করিবেন ।
 - (২) কোন পরীক্ষা চলাকালে কোন পরীক্ষক যদি কোন কারণে পরীক্ষকের দায়িত্ব পালনে অপারগ হন, তাহা হইলে ভাইস-চ্যাম্পেলর তাঁহার শূন্য পদে অন্য পরীক্ষক নিয়োগ করিবেন ।

- (৩) বিশ্ববিদ্যালয়ের শিক্ষাদানকারী বিভাগের অন্তর্ভুক্ত প্রত্যেক বিষয়ে এবং বিশ্ববিদ্যালয়ের কোন ডিগ্রীর জন্য প্রয়োজনীয় শিক্ষাক্রমের অংশ হিসাবে পরিগণিত প্রতিটি বিষয়ের জন্য বিশ্ববিদ্যালয়ের শিক্ষক নন অন্ততঃ এমন একজন পরীক্ষক নিয়োগ করিতে হইবে।
- (৪) একাডেমিক কাউন্সিল পরীক্ষা-কমিটিসমূহ নিয়োগ করিবেন যাহার সদস্য ইহার বিবেচনায় পরীক্ষার প্রশ্ন চূড়ান্তকরণ, পরীক্ষার ফলাফল প্রস্তুতকরণ এবং এইরূপ ফলাফলের প্রতিবেদন প্রকাশ করার জন্য সিন্ডিকেটের নিকট প্রেরণের উপযুক্ত এবং প্রয়োজনে এইরূপ অপর যে কোন ব্যক্তিদিগকে একাডেমিক কাউন্সিল নিয়োগ দিতে পারিবেন।

৪০। চাকুরীর শর্তাবলী :

- (১) নিয়োগকারী কর্তৃপক্ষ যে যে শর্ত নির্ধারণ করিবেন, সে সে শর্ত অনুসারে বিশ্ববিদ্যালয়ের প্রত্যেক অফিসার, অথবা বেতনভোগী শিক্ষক এবং কর্মচারী নিযুক্ত হইবেন এবং এই আইন ও সময়ে সময়ে যে সকল সংবিধি, অধ্যাদেশ এবং প্রবিধি বলবৎ হইবে তাহার ক্রমা তঁাহারা নিয়ন্ত্রিত হইবেন।
- (২) বিশ্ববিদ্যালয়ের কোন অফিসার বেতনভোগী শিক্ষক অথবা কর্মচারী যদি সংসদ-সদস্য হওয়ার জন্য নির্বাচনে প্রার্থী হন, তাহা হইলে তিনি মনোনয়নপত্র দাখিল করার তারিখের পূর্বেই বিশ্ববিদ্যালয়ের চাকুরী হইতে পদত্যাগ করিবেন।
- (৩) উচ্ছৃঙ্খলতা, অযোগ্যতা, অসদাচরণ অথবা নৈতিক অধঃপতনের কারণে বিশ্ববিদ্যালয়ের কোন অফিসার বেতনভোগী শিক্ষক অথবা কর্মচারীকে তঁাহার মর্যাদা অবনমিত করা যাইবে, অথবা চাকুরী হইতে অবসর গ্রহণ, অপসারণ অথবা বরখাস্ত করা যাইবে, কিন্তু-
- (ক) (Omitted) ^{১১}।
- (খ) চ্যাপেলরের পূর্ব অনুমতি ব্যতীত বিশ্ববিদ্যালয়ের অন্য কোন অফিসার অথবা কোন শিক্ষক:
- (গ) ভাইস-চ্যাপেলরের পূর্ব অনুমতি ব্যতীত বিশ্ববিদ্যালয়ের অন্য কোন কর্মচারীর -
বিরুদ্ধে এইরূপ কোন ব্যবস্থা গ্রহণ করা যাইবে না।

৪১। বার্ষিক প্রতিবেদন : সিন্ডিকেটের নির্দেশ মোতাবেক বিশ্ববিদ্যালয়ের বার্ষিক প্রতিবেদন প্রণয়ন করিতে হইবে এবং পরবর্তী অর্ধ-বৎসরের অক্টোবর মাসের প্রথম তারিখে অথবা ইহার পূর্বেই তাহা চ্যাপেলরের নিকট পেশ করিতে হইবে।

৪২। বার্ষিক হিসাব :

- (১) সিন্ডিকেটের নির্দেশ মোতাবেক হিসাব পরিচালক বিশ্ববিদ্যালয়ের বার্ষিক হিসাব এবং প্রাপ্তি ও ব্যয়ের ব্যালেন্স-সিট তৈরী করিবেন এবং হিসাব-নিরীক্ষার জন্য কমিশনের নিকট তাহা পেশ করিবেন।
- (২) হিসাব-নিরীক্ষার প্রতিবেদনসহ হিসাবসমূহ চ্যাপেলরের নিকট পেশ করিতে হইবে।

- ৪৩। কর্তৃপক্ষ এবং সংস্থাসমূহের গঠন সম্পর্কিত মতবিরোধ : এই আইন অথবা সংবিধিতে অথবা অধ্যাদেশসমূহে এমন কোন বিধান বিদ্যমান না থাকার কারণে যদি কোন কর্তৃপক্ষের বা বিশ্ববিদ্যালয়ের অন্য কোন সংস্থার কোন ব্যক্তির সদস্য হওয়ার যোগ্যতা রহিয়াছে কিনা এইরূপ কোন প্রশ্ন দেখা দেয়, তাহা হইলে বিষয়টি চ্যাপেলরের নিকট প্রেরণ করিতে হইবে এবং সেক্ষেত্রে তাঁহার সিদ্ধান্তই চূড়ান্ত হইবে ।
- ৪৪। কমিটিসমূহের গঠন : যেক্ষেত্রে এই আইন অথবা সংবিধিসমূহ কোন কর্তৃপক্ষকে কমিটি নিয়োগের ক্ষমতা প্রদান করে, অন্যভাবে কোন বিধান না থাকিলে, সেক্ষেত্রে কর্তৃপক্ষ যে সকল সদস্যকে অথবা অন্যান্য ব্যক্তিদিগকে উপযুক্ত বলিয়া বিবেচনা করিবেন তাঁহাদের সমন্বয়ে এইরূপ কমিটি গঠন করিতে পারিবেন ।
- ৪৫। আকস্মিক সৃষ্ট শূন্যপদ পূরণ : পদাধিকারবলে গৃহীত সদস্যগণ ব্যতীত, বিশ্ববিদ্যালয়ের কোন কর্তৃপক্ষ বা অন্য কোন সংস্থার সদস্যগণের মধ্যে সৃষ্ট সকল আকস্মিক শূন্যপদ যথাশীঘ্র সম্ভব ঐ ব্যক্তি বা ঐ সংস্থা পূরণ করিবেন, যিনি বা যাহারা যে সদস্যর কারণে পদটি শূন্য হইয়াছে, তাঁহাকে মনোনীত বা নির্বাচিত করিয়াছেন এবং এইরূপ শূন্য পদে মনোনীত বা নির্বাচিত ব্যক্তি ঐ অসমাপ্ত সময় পর্যন্ত উক্ত কর্তৃপক্ষের সদস্য থাকিবেন যে সময়ে তিনি যাহার স্থলাভিষিক্ত হইয়াছেন তাঁহার সদস্য পদ বহাল থাকিত ।
- ৪৬। পদসমূহ শূন্য হওয়ার কারণে কর্তৃপক্ষ এবং সংস্থাসমূহের কার্যবিবরণী অবৈধ হইবে না : সদস্যগণের মধ্যে এক বা একাধিক পদ শূন্য, থাকার কারণে বিশ্ববিদ্যালয়ের কোন কর্তৃপক্ষ বা অন্য কোন সংস্থার কোন কাজ বা কার্যবিবরণী অবৈধ হইবে না ।
- ৪৭। চ্যাপেলরের নিকট আপীল :
- (১) বিশ্ববিদ্যালয়ের কোন অফিসার বা কর্তৃপক্ষের কোন আদেশের বিরুদ্ধে চ্যাপেলরের নিকট দরখাস্তের মাধ্যমে আপীল করা যাইবে, এবং চ্যাপেলর সংশ্লিষ্ট অফিসার বা কর্তৃপক্ষের নিকট এই আপীলের একটি প্রতিলিপি প্রেরণ করিবেন এবং কেন আপীল গ্রহণ করা যাইবে না এই মর্মে তিনি উক্ত অফিসার বা কর্তৃপক্ষকে কারণ দর্শানোর সুযোগ দিবেন ।
 - (২) চ্যাপেলর এইরূপ আপীল প্রত্যাখ্যান করিতে পারিবেন অথবা প্রয়োজন মনে করিলে তিনি বিষয়টি তদন্ত করার জন্য বিশ্ববিদ্যালয়ের অফিসার নন অথবা কর্তৃপক্ষের সদস্য নন এমন সদস্যদের সমন্বয়ে একটি তদন্ত কমিশন নিয়োগ করিতে পারিবেন এবং কমিশন উক্ত বিষয়ে তাঁহার নিকট প্রতিবেদন পেশ করিবেন ।
 - (৩) তদন্ত কমিশনের প্রতিবেদন পাওয়ার পর চ্যাপেলর যেরূপ উপযুক্ত মনে করিবেন সেইরূপ আদেশ দিতে পারিবেন ।
 - (৪) (২) উপ-ধারার অধীন নিযুক্ত কোন তদন্ত কমিশন কিছু কাগজপত্র বা তথ্যাবলীকে তদন্তাধীন বিষয়টির সঙ্গে সংশ্লিষ্ট বলিয়া মনে করিলে, কোন অফিসার অথবা কোন কর্তৃপক্ষকে তাহা সরবরাহ করার জন্য কমিশন অনুরোধ করিতে পারিবেন এবং এইরূপ অনুরোধ উক্ত অফিসার বা কর্তৃপক্ষ রক্ষা করিতে বাধ্য থাকিবেন ।

- ৪৮। **অবসরভাতা, ইত্যাদি :** সংবিধিসমূহে যে পদ্ধতি এবং যে সকল শর্ত নির্ধারণ করা হইবে তাহা সাপেক্ষে, বিশ্ববিদ্যালয় ইহার অফিসার, শিক্ষক এবং কর্মচারীগণের মঙ্গলের জন্য যেক্রপ অবসরভাতা, গোষ্ঠী-বীমা, মঙ্গল এবং ভবিষ্য তহবিল গঠন করা উচিত মনে করিবেন তাহা গঠন করিতে পারিবেন এবং যেক্রপ গ্রাচুইটি তাহাদের দেওয়া সমীচীন মনে করিবেন সেইক্রপ প্রদান করিতে পারিবেন।
- ৪৯। **চ্যাপেলরের বিশেষ ক্ষমতাসমূহ :** যদি চ্যাপেলর মনে করেন যে, কোন কর্তৃপক্ষের কোন সিদ্ধান্ত-প্রস্তাব বা কোন সিদ্ধান্ত এই আইন বা কোন সংবিধির কোন বিধানের পরিপন্থী, তাহা হইলে তিনি এইক্রপ সিদ্ধান্ত-প্রস্তাব বা সিদ্ধান্তকে বাতিল বলিয়া ঘোষণা করিতে পারিবেন অথবা উক্ত বিধানের সঙ্গে সামঞ্জস্যপূর্ণ করিয়া তিনি উক্ত সিদ্ধান্ত-প্রস্তাব বা সিদ্ধান্তকে সংশোধন করিতে পারিবেন।
- ৪৯ক। **মাদ্রাসা শিক্ষা তহবিল :**^{৩০}
- (১) ফাজিল ও কামিল মাদ্রাসা সংশ্লিষ্ট বিশ্ববিদ্যালয়ের কার্যাদি সম্পর্কিত ব্যয় নির্বাহের জন্য “মাদ্রাসা শিক্ষা তহবিল” নামে একটি তহবিল থাকিবে।
 - (২) মাদ্রাসা শিক্ষা তহবিলে নিম্নবর্ণিত অর্থ জমা হইবে, যথা :-
 - (ক) সরকার ইহতে প্রাপ্ত বরাদ্দ;
 - (খ) ফাজিল ও কামিল মাদ্রাসা ইহতে সংগৃহীত ফি;
 - (গ) অন্যান্য উৎস হইতে প্রাপ্ত অর্থ।
 - (৩) মাদ্রাসা সম্পর্কিত ব্যয় নির্বাহের জন্য মাদ্রাসা শিক্ষা তহবিল কোষাধ্যক্ষের সার্বিক অত্বাবধানে বিশ্ববিদ্যালয় কর্তৃক ব্যবহৃত হইবে।
 - (৪) উপ-ধারা (৩) এ উল্লিখিত ব্যয় নির্বাহের জন্য বাজেট বরাদ্দ থাকিবে।
 - (৫) সিঙিকিটের পূর্বানুমোদনক্রমে, উপ-ধারা (১) এ উল্লিখিত তহবিল যে কোন তফসিলি ব্যাংকে জমা রাখিতে হইবে”।
- ৫০। **অসুবিধা দূরীকরণ :** বিশ্ববিদ্যালয়ের কার্যাবলী সম্পাদনের ক্ষেত্রে অথবা কোন কর্তৃপক্ষের প্রথম বৈঠকের বিষয়ে অথবা অন্যভাবে এই আইনের বিধানাবলীকে প্রথম কার্যকরী করার ব্যাপারে কোন অসুবিধা দেখা দিলে, সকল কর্তৃপক্ষ গঠিত হওয়ার পূর্বে যে কোন সময়ে চ্যাপেলর এই আইনের অথবা সংবিধির বিধানাবলীর সঙ্গে যথাসম্ভব সঙ্গতিপূর্ণভাবে যে কোন পদে নিয়োগদান করিতে পারিবেন অথবা এমন কাজ করিতে পারিবেন যাহা উক্ত অসুবিধা দূর করার জন্য প্রয়োজনীয় এবং বাস্তবসম্মত বলিয়া তাঁহার নিকট প্রতীয়মান হইবে, সেক্ষেত্রে এইক্রপ নিয়োগ বা ব্যবস্থা এই আইনের বিধানাবলী অনুসারে করা হইয়াছে বা গৃহীত হইয়াছে মনে করিয়া এইক্রপ প্রত্যেকটি আদেশ কার্যকরী করিতে হইবে।
- ৫১। **অন্তর্বর্তীকালীন বিশেষ বিধান**^{৩৬} :

^{৩০} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০

^{৩৬} সংশোধনঃ- বাংলাদেশ গেজেট, অতিরিক্ত, অক্টোবর- ১১, ২০০৬ ও মার্চ ৩১, ২০১০

(১) বাংলাদেশ মাদ্রাসা শিক্ষা বোর্ডের আওতাধীন ২০০৫-২০০৬ শিক্ষাবর্ষে ফাজিল ও কামিল মাদ্রাসায়-

- (ক) যে সকল ছাত্র-ছাত্রী ২(দুই) বৎসর মেয়াদী কোর্সে ভর্তি হইয়াছে এবং যাহাদের পরীক্ষা ২০০৭ সনে অনুষ্ঠিত হইবে, সে সকল ছাত্র-ছাত্রীদের পরীক্ষা বাংলাদেশ মাদ্রাসা শিক্ষা বোর্ড কর্তৃক গৃহীত হইবে;
- (খ) যে সকল ছাত্র-ছাত্রী ৩(তিন) বৎসর মেয়াদী কোর্সে ভর্তি হইয়াছে সে সকল ছাত্র-ছাত্রীদের পরীক্ষা বিশ্ববিদ্যালয় কর্তৃক গৃহীত হইবে;
- (গ) অধ্যয়নরত যে সকল ছাত্র-ছাত্রী দফা (ক) এর অধীন অনুষ্ঠিত পরীক্ষায় অকৃতকার্য হইবে, সে সকল ছাত্র-ছাত্রীদের রেজিস্ট্রেশনের মেয়াদ কার্যকর থাকা সাপেক্ষে, বাংলাদেশ মাদ্রাসা শিক্ষা বোর্ড কর্তৃক পরীক্ষা গৃহীত হইবে;
- (ঘ) দফা (গ) এর অধীনে যে সকল ছাত্র-ছাত্রী অকৃতকার্য হইয়া রেজিস্ট্রেশনের মেয়াদ কার্যকর থাকা সাপেক্ষে ২০০৮ সনে বাংলাদেশ মাদ্রাসা শিক্ষা বোর্ডের অধীনে ফাজিল পরীক্ষায় অংশগ্রহণ করিয়া উত্তীর্ণ হইবে, তাহারা বিশ্ববিদ্যালয়ের অধীনে ২০০৮-২০০৯ শিক্ষাবর্ষে কামিল প্রথম বর্ষে ভর্তির সুযোগ পাইবে; তবে ভর্তিকৃত ছাত্র-ছাত্রীদের স্নাতক ডিগ্রী মান প্রদানের জন্য মাদ্রাসা সংক্রান্ত একাডেমিক কমিটি কর্তৃক নির্ধারিত বিষয় ও পদ্ধতিতে ৩০০(তিনশত) নম্বরের ফাজিল বি,এ (বিশেষ) পরীক্ষার ব্যবস্থা গ্রহণ করিতে হইবে, এবং ২০০৬-২০০৭ ও ২০০৭-২০০৮ শিক্ষাবর্ষে বিশ্ববিদ্যালয়ে কামিল শ্রেণীতে ভর্তি হওয়ার পরও বিশ্ববিদ্যালয় কর্তৃক গৃহীত ফাজিল বি,এ (বিশেষ) পরীক্ষায় যে সকল ছাত্র-ছাত্রী কোন কারণে অংশগ্রহণ করিতে পারিবে না, বা অংশগ্রহণ করিবার পর অকৃতকার্য হইবে, তাহারাও ২০০৮-২০০৯ শিক্ষাবর্ষে কামিল শ্রেণীতে পুনরায় ভর্তির সুযোগ পাইবে ও ফাজিল বি,এ (বিশেষ) পরীক্ষায় অংশগ্রহণের সুযোগ পাইবে।

(২) যে সকল ছাত্র-ছাত্রী বাংলাদেশ মাদ্রাসা শিক্ষা বোর্ডের আওতাধীন ২০০৬-২০০৭ এবং ২০০৭-২০০৮ শিক্ষাবর্ষে ভর্তি হইয়াছে, সে সকল ছাত্র-ছাত্রীদের স্নাতক ডিগ্রী প্রদানের ক্ষেত্রে, বিশ্ববিদ্যালয় মাদ্রাসা সংক্রান্ত একাডেমিক কমিটি কর্তৃক নির্ধারিত বিষয় ও পদ্ধতিতে ৩০০(তিনশত) নম্বরের ফাজিল বি,এ (বিশেষ) পরীক্ষার ব্যবস্থা গ্রহণ করিবে।”।

৫২। রহিতকরণ : ইসলামী বিশ্ববিদ্যালয় আইন, ১৯৮০(১৯৮০ সনের ৩৭ নং আইন) এর ইংরেজী পাঠ Islamic University Act ১৯৮০ (Act XXXVII of 1980) এতদ্বারা রহিত করা হইল^{৫০}।

তারিখ :

মার্চ ৩১, ২০১০ খ্রিস্টাব্দ ১৭ই চৈত্র, ১৪১৬ বঙ্গাব্দ

আশফাক হামিদ

সচিব

^{৫০} সংশোধনঃ- বাংলাদেশ গেজেট, অতিরিক্ত, মার্চ ৩১, ২০১০